

1

Sello ya hlwekileng





Sello o ne a sa rate ho hlapa.
O ne a sa rate ho hlapa moriri
wa hae.




O ne a sa rate ho hlapa sefahleho.
O ne a sa rate ho borosola/hlapa meno
a hae.



**"Tsamaya o yo hlapa Sello!"
Ho tjho mme wa hae.**



**"Tsamaya o yo hlapa Sello!"
Ho tjho ntate wa hae.**




Sello a hlapa, a hlapa.
A hlapa moriri wa hae.
A hlapa ditsebe tsa hae.
A hlapa matsoho a hae.
A hlapa maoto.
A hlapa sefahleho sa hae.



Sello a bonahala a hlakile hape a
hlwekile. "Kgele!" ha tjho mme wa hae.
"Kgele!" ha tjho ntate wa hae.

Tjhee bo!



Empa... Sello wa batho a wa mme
a silafala hape.


2

Dintho tse nthabisang





Ha ke ne ke le monyenyane ke ne ke
rata ho ya sekolong empa ke sa kgone.



Ke ne ke batla ho ba le metswalle
e mengata empa ke ne ke se na le
ya mong.



Ke batlile ho ba le ntjanyana empa ke ne
ke le monyenyane haholo ho hlokomela
ntja.




Ke ne ke batla ho ithuta Sesotho.



Jwale ke kereiting ya 3. Ke na le metswalle e mengata. E meholo, e menyenyane, e sootho, e mesweu, bashanyana le banana. Ke thabile haholo ho ba le metswalle e mengata hakana e lokileng.



Kajeno ke letsatsi la ka la tswalo.
Ke se ke na le dilemo tse 10.
Ke thabile haholo. Ke fumane
ntjanyana ena e ntle bakeng sa letsatsi
la ka la tswalo.



Ke a leboha Thabo. Ke a leboha Nomsa.
Ke lebohela dimpho tsa letsatsi la ka la
tswalo. Ke leboha ha le le metswalle ya ka.

3

Re a hlokomela






Vusi o jetse sefate.



Re hlokomela lelapa la rona.

John o hlokomela nkongo wa hae
mme Gugu o hlokomela ausi wa hae e
monyenyane.



Pumla o hlekile bohlaswa sebakeng sa
dipapadi.



Pam le Bongani ba hlekile bohlaswa
nokeng.



Lulu o isitse ntjanyana e kulang SPCA.



Jane o letseditse boraditimamollo
mohala ho tlaleha mollo naheng.



Bohle re tsotella lefatshe la bo rona.

4


Ha re ye mabenkeleng






Ke lena lenane la dintho
tseo re ilo di reka.

Mme wa Gugu o kopile Gugu ho ya
lebenkeleng



O file Gugu lenane la dintho tse tla
rekwa le tjhelete. Gugu ke yane o
tsamaile le motswalle wa hae Jane.

Ke hloka manki.



Gugu o badile lenane la dintho tse
tla rekwa mme a ya fumana borotho
le mahe. Ho tloha mona Gugu o ne a
hloka sesepa. Matsoho a Gugu a ne a
tletse.



"Ntshwarele," Gugu o a botsa:

"Nka fumana kae pampiri ya ntlwaneng?"

"Pampiri ya ntlwaneng ke bokae?" "Nka fumana kae lebese?"

"Lebese ke bokae?

Jwale ke hloka eng hape?



"Ke hloka sepinatjhe."

"Sepinatjhe ke bokae?"

"Ke hloka diapole"

"Diapole ke bokae?"

"Ke hloka ditapole"

"Ditapole ke bokae"

Atjhe! Ke lebetse
tjhelete lapeng!



Gugu, Gugu, o siile tjhelete lapeng.



...jwale Gugu o lefeletse dintho tseo a
di rekileng.

"Ke kgathetse!" Ke Gugu eo.

"Ke ne ke le maphathe."

5

Sekolo se hlwekileng ho feta toropong



Kajeno ke tlhodisano ya tlhwekiso ya sekolo sa rona. "Ke tshepa hore re tla hlola," ho rialo hloho ya sekolo sa rona. "Ke tshepa hore re tla hlola", ho rialo titjhere ya rona. "Re tshepa hore re tla hlola", ho rialo bana kaofela.



Re hlwekitse dibethe tsa dipalesa.
Re hlwekitse serapa sa meroho.
Re thonakile ditshila lebaleng la
dipapadi.



Re hlwekisitse kitjhini ya sekolo.
Re hlatswitse dipitsa



Re hlatswitse difensetere. Re fietse ka tlelaseng. Re phuthile diteseke tsa rona mme ra paka dibuka kaofela.



Re tlositse ditshila ka ntle ha sekolo sa rona. Re tlositse ditshila setopong sa bese le setopong sa dithekisi.



Hohle ho ne ho benya tlhweko ha
baahlodi ba fihla.



"Le sebeditse hantle Poraemari ya Lesedi. Le fumane kgau ya pele," ho rialo majoro. "Le tla ba le leeto le yang serapeng sa diphoofolo.



Ke rona baleeee!
Bese e le nngwe, bese tse pedi, bese
tse tharo di tletse bana. Di tseleng e
yang serapeng sa diphoofolo.


6

Boemo ba lehodimo le dikgwedi





Letsatsi la hao la tswalo le neng?
Le ka di 22 tsa Phuptjane.
Le mariha.
Ho bata haholo le maru a thibile.



Letsatsi la hao la tswalo le neng?

Le ka di 5 tsa Tshitwe.

Le hlabula.

Ho tjhesa haholo le letsatsi le tjhabile.



Letsatsi la hao la tswalo le neng?
Le ka di 3 tsa Motsheanong.
Le ka hwetla.
Ho moyo hape ho phodile.




Letsatsi la hao la tswalo le neng?

Le ka di b tsa Lwetse.

Le selemo.

Letsatsi le tjhabile hape ho
futhumetse.



Letsatsi la hao la tswalo le neng?

Le kajeno!



Pula e a na, ho na le sefeso.

Moya o a foka mme ho bata haholo
Kahoo, ha re ketekeng.

Ke utlwa ho thwathwaretsa
ha maru a pula.

Ke utlwa ho thwathwaretsa ha maru a
pula, Monghadi Jack.

Thoo, thoo marothodi a pula,
Thoo , thoo marothodi a pula,
Ke kolobile hohle.

